

SASTANCI NACIONALNIH KOORDINATORA I UPRAVNOG ODBORA IMPULS PROJEKTA

14.04.2016 13:05



Sastanci nacionalnih koordinatora i Upravnog odbora IMPULS projekta održani su u Zagrebu, Republika Hrvatska, u periodu od 13. do 14. 4. 2016. godine. Federalnu upravu za geodetske i imovinsko-pravne poslove (FGU) ovom prilikom su predstavljali dr. Slobodanka Ključanin – nacionalna koordinatorka za Federaciju Bosne i Hercegovine, i gosp. Željko Obradović – direktor FGU-a i član Upravnog odbora IMPULS projekta.

Dnevni red sastanka uključivao je više tekućih aktivnosti koje su ovom prilikom usaglašavane između agencija učesnica projekta. Također je razmatran status projekta u prvom kvartalu 2016. godine, te

polugodišnji izvještaj implementacije projekta (novembar 2015. – april 2016.). Sastanak za nacionalne koordinate IMPULS projekta iskorišten je primarno za iscrpnu raspravu o problemima i prijedlozima za unaprjeđenje i usaglašavanje radnog plana za 2016. godinu. Ovom prilikom su također svi prisutni koordinatori kratkim prezentacijama upoznali svoje kolege iz regiona o tekućim aktivnostima, inicijativama i projektima unutar svake agencije.

Sastanak nacionalnih koordinatora ujedno je poslužio i kao priprema za sastanak svih direktora agencija za katastar i kartografiju iz regiona zapadnog Balkana, koji su članovi Upravnog odbora IMPULS projekta.

Na sjednici Upravnog odbora raspravljalo se o izvještaju o radu za period novembar 2015. –april 2016. godine, planu rada za 2016. godinu i saradnji IMPULS projekta i Eurogeographicsa. Istaknuto je zadovoljstvo realizacijom aktivnosti projekta i dogovorene su aktivnosti za 2016. godinu. Posebno je bila interesantna diskusija o saradnji u okviru ELF-a (European Location Fremwork), koju su prezentirali izvršni direktor Eurogeographicsa Mick Cory i Patricia Sokacova, menadžer za komunikacije u uredu Eurogeographicsa.

Sljedeća sjednica Upravnog odbora održat će se 17. oktobra 2016. godine u Draču (Albanija).